

# Geschichte der Grundherrschaft Echternach im Frühmittelalter (Ed. Wampach) Nr. 9

Dominoa sancto et in Christo apostolico patri Willibrordo episcopo Ermina in Christo Deo  
sacrata abbatissa donatrix. Quicquid unusquisque homo de rebus suis ad loca sanctorum et  
servorum Dei spontanea voluntate condonaverit, hoc sibi apud Deum mercedis premium  
credit recipere in futuro. Idcirco ego Irmina dono vobis ad monasterium vestrum  
Epternaco, quod nos a novo construximus, situm super fluvio Sura, in honore sanctae  
Trinitatis vel sanctorum [Petri et Pauli apostolorum caeterorumque sanctorum],  
donatumque in perpetuum esse volo ad possidendum, hoc est, quantumcumque a die  
presenti in villa Staneheim, sita super Suram, mea possessio vel dominatio est, tam  
domibus quam aedificiis, mansis, mancipiis, vineis, pratis, pascuis, silvis, aquis  
aquarenumque decursibus, sub ea conditione ut quicquid a die presenti vos vel pars  
monasterii exinde facere voluerit, liberam et firmissimam in omnibus habeatis potestatem  
faciendi et nullius repetieiones ex hoc habere vereamini. Si quis vero, quod fieri non  
credimus, tam ego quam aliquis de heredibus aut coheredibus meis vel quelibet opposita  
persona contra hanc nostrae donationis cartulam venire conatus fuerit aut eam irrumpere  
voluerit, primitus iram Dei omnipotentis incurrat et insuper inferat fisco auri libram unam,  
argenti pondo duo, nec sic quod repetit ulla tenus possit evindicare, manente nichilominus  
firmitate. Actum Treveri VIII Idus Maias. Anno X Childeberti regis. Ego Huncio, in Christi  
nomine presbiter, rogante domna Irmina abbatissa, hanc cartulam donationis perscripsi, et  
ipsa subter manu propria [una] cum testibus firmavit. Ego Irmina [hoc testamentum a me  
factum] relegi et subscripsi. Basinus episcopus. Radobertus. Dagoinus. Leodoinus  
presbiter. Gacebertus. Garibertus. Magnobertus. Quitario. Trasebertus. Waltarius  
diaconus. Bobo.